



晉書札記五卷

吳承仕

五
五
五
五
五
五
五
五
五
五

五
五
五
五
五
五
五
五
五
五

自題三則


晉書有唐何超音義三卷明南北監本皆附刻載記之後其前有巨唐天寶六載天王左史弘農楊齊宣字正衡序云晉書音義予內弟東京處士何超字令升之所纂也令升卽仲舅商州府君之子惟我仲舅實蘊多才彊學懿文紹興門範剖符行節弘闡帝猷雖位望兼崇大名猶鬱而增修益振餘慶方鍾確尔專精深期克復時之未與衣冠之嗣曷沈道在則聞儒素之風自遠不隕其業斯爲得與處士弟約以優閑溺於墳史嘗訝晉室之典未昭其音思欲發揮前人啓迪後進由是博考諸傳綜覽羣言研覈異同譌成音義亦足以暢先皇旨趣爲學者司南式叙其由勸成其美三都尙隱思旌擅洛之文五等廻封遠媿平吳之績又有超自譌小引云先朝所譌晉書帝紀十志二十列傳七十載記三十合一百三十篇令升此音紀志共爲一卷其列傳載記各自區分都成三軸件目如左仍依陸氏經典釋文注字竝以朱暎服勤編簡頗涉暄寒凡所訓釋必求典據庶

無牆面疇敢師心如或未周敬俟來哲耳案超兩唐書無傳它亦無所表
箸其此書卷二十一禮志雩婁侯下注云卽令升之十五代祖攷雩婁侯
何禎爲充之曾祖則超是充準之後人也注雖簡略音多義少然頗謹嚴
得注家之體所引字林尤多間引說文亦足以參證今本因節其要者箸
於眉端云同治甲戌十一月慈銘識

甲戌之冬京師杜門無事取殿本勘校一過殿本刻成於乾隆四年爲詹
事陳浩洗馬陸宗楷編修孫人龍等所校有人龍跋云晉書一百三十卷
晁公武謂歷代之史惟此最爲叢冗至於取沈約誕誕之說雜采詭異謬
妄之言尤不可不辨而鄭樵謂古者修書如班馬之徒自成一家至唐始
用衆手各隨其學術所長所以晉之有志獨善於古今是則此書之瑕瑜
固有不相掩者編修臣李龍官奉敕校勘凡監本舛譌或從他本及何倫
音義有可據者從而釐正之臣人龍復與同事諸臣詳審參訂錄爲考證
各附卷末云云然官本雖較毛本誤字爲少而實以北監本爲主是正膠

廖各卷之末間附考證多不過三四條少或并數卷止得一條間稱宋本亦僅一二見所采掇者不過僞本十六國春秋及通鑑綱目惟李龍官語略有可取者蓋館閣舉業家識見不過如此也毛本俗別之字甚多官本則甚少亦有毛本不誤而官本臆改反誤者皆由以北監爲藍本故耳慈銘又識

王氏鳴盛十七史商榷間稱元本亦僅一二見而已王氏於此書是正甚少惟地理志稍詳錢氏大昕廿二史考異此書亦止一卷而所考證數條獨爲詳盡今皆最而錄之地理志則畢氏沉有新補正一書錢氏王氏所校亦備不及悉載云慈銘又記



晉書札記

卷一

會稽 李慈銘

帝紀第一

宣帝紀 魏武帝曰此兒欲踞吾著爐炭上耶

汲古閣本
頁一下

慈銘案魏武下脫謂字

嘉平元年春正月甲午有司劾黃門張當并發爽與何晏等反事

頁十
上

慈銘案反謀等字晉人曲筆此仍其誣辭爲無識矣其下廢齊王誅母
丘儉諸葛誕等皆同

三年九月庚申葬於河陰諡曰文貞後改諡文宣

頁十
下

慈銘案文貞當作文侯文宣當作宣文錢氏大昕據禮志改正也是也

帝紀第二

景帝紀 乃從太后令遣使迎高貴鄉公於元城而立之改元曰正元天

子受璽墮舉趾高帝聞而憂之

上頁三

慈銘案此等謬妄之辭皆司馬氏所偽造陳壽國志作於晉時削而不書所以爲良史也唐修晉書何所嫌諱而沿襲舊史全載穢言許敬宗輩真人奴也

宜依霍光故事追加大司馬之號以冠軍大將軍

下頁五

慈銘案冠字下軍字衍

今諡與二祖同

下頁五

慈銘案云諡與二祖同謂懿諡文同魏世祖師諡武同魏太祖也懿之諡亦因是始改宣文昭此奏乃兼讓父兄之諡紀所叙俱不明哲

帝紀第三

武帝紀

泰始元年冬十二月封子文爲沛王

上頁三

慈銘案宗室傳言沛王景字子文此舉其字者蓋沛王名本或作炳及炳秉之類唐避世祖諱炳於丙秉等字皆改爲景故紀稱其字傳改爲

景耳

二年本爲縣侯者傳封次子爲亭侯爲鄉侯爲關內侯亭侯爲關中侯

頁四

上

慈銘案上亭侯下爲字衍

六年春正月丁亥吳將丁奉入渦口

頁七下

音義說文渦水出淮南陽浮溝浪蕩渠東入淮屋戈反又古和反慈銘案南字衍當作淮陽浮溝卽扶溝

咸寧五年十一月大舉伐吳遣鎮軍將軍琅邪王伧出涂中

頁十下

王氏應麟困學紀聞卷十三曰涂音除吳赤烏中所築涂塘卽六合瓦梁堰水曰滁河南唐於滁水上立清流關或以涂唐音塗誤也元和郡縣志滁州卽涂中慈銘案音義於此無音至下卷八哀帝紀涂中音塗蓋因說文涂從水余聲同都切而誤說文涂水出益州非此之涂也廣韻涂直魚切集韻音除水名與滁同

太康六年春正月戊辰尙書褚契都督揚州諸軍事

頁十上六

慈銘案契當作碧音義碧力灼反案卽褚裒之祖父玉篇碧音畧石也廣韻十八藥碧離灼切同碧案亦雅碧利也說文作𠂔云刀劍刃也籀文作𠂔詩有畧其耜傳略利也釋文略字書本作碧

帝紀第四

惠帝紀

永平八年六月戊戌太尉隴西王泰薨

頁四上

慈銘案隴西當作高密泰傳言由隴西徙封高密然紀不言泰有徙封之事

永康元年三月丁酉以梁王彤爲太宰左光祿大夫何劭爲司徒右光祿

大夫劉寔爲司空

頁四下

慈銘案劉寔傳稱元康九年拜司空誤也是時司空乃張華華誅始授

寔耳當從紀

永寧元年十二月司空何劭薨

頁六上

慈銘案前永康元年書何劭爲司徒據劭傳言趙王倫篡位以劭爲太宰永寧元年薨贈司徒蓋惠帝反正之後以梁王彤爲太宰故劭復爲司空紀失書劭爲司空一事傳亦失之至倫篡位時之封拜則紀例不書也

太安元年五月乙酉侍中太宰領司徒梁王彤薨以右光祿大夫劉寔爲

太傅太尉

頁六
上

慈銘案右光祿大夫五字誤前書寔爲司空據寔傳寔由司空遷太保轉太傅太安初以老遜位蓋當趙王倫篡位時寔由司空遷太保至此時轉太傅旋告老也紀於倫所封拜例不書故寔由司空爲太保遂無由見至寔本由右光祿大夫爲司空不應復爲之且大夫亦不得遽遷太傅也

以齊王冏爲太師

頁六
下

慈銘案晉以避司馬師諱改太師爲太宰此作太師旣誤且是時大宰

梁王彤雖薨然問傳無晉太宰之文河間王顥討問表但言大司馬問
惠帝追贈問詔亦止稱故大司馬疑此紀誤也又梁王彤以太宰領司
徒是時彤薨以王戎爲司徒而紀失書當於此處補以尙書令王戎爲
司徒一條

永興元年春正月密詔雍州刺史劉沉秦州刺史皇甫重以討之

頁八上

慈銘案討上當有兵字

三月以太尉顥爲太宰太傅劉寔爲太尉

頁八上

慈銘案寔傳言寔以太安初遜位懷帝卽位復授太尉固辭無是年拜
太尉之文蓋傳失之而寔此時已歸鄉里蓋亦終不就官太傅三師太
尉三公不當以太傅爲太尉蓋因寔已告歸故以三公起之寔終不就
故傳略之耳

帝紀第五

孝懷帝紀 永嘉四年九月征南將軍山簡荊州刺史王澄南中郎將杜

難竝遣兵援京師及如戰于宛諸軍皆大敗王澄獨以衆進至汴口

頁四下

慈銘案玉篇汴亦之切水名水經汙水篇注零水卽汴水也上通梁州沒陽縣之默城山東逕新城郡之汴水縣謂之汴水又東歷幹鄉謂之幹水又東歷宜城西山謂之汴溪東流合於夷水謂之汴口也

十一月鎮東將軍周馥表迎大駕遷都壽陽越使裴頌討馥爲馥所走保

東城敗

頁上五

錢氏大昕曰此又一裴頌然周馥傳有淮南太守裴頌疑此頌乃碩字之譌慈銘案馥傳明言裴碩舉兵稱奉越密旨圖馥遂襲之爲馥所敗碩退保東城求救於元帝則頌爲碩之誤無疑矣

孝愍帝紀 驅馳三世性情阻有若城府

頁上十

慈銘案官本無有字文選有有字

帝紀第六

元帝紀 太興元年十二月彭城內史周撫殺沛國內史周默以反

頁六下

錢氏大昕曰此又一周撫沛人非周訪之子撫也慈銘案蘇峻傳作周堅反於彭城則此周撫本當作周堅也石勒載記亦作晉彭城內史周堅害沛內史周默以彭城沛降於勒惟蔡豹傳作反賊周撫劉遐傳云沛人周堅一名撫

永昌元年三月敦將沈充陷吳國魏又陷湘州吳國內史張茂湘州刺史

譙王承並遇害

頁九下

錢氏大昕曰此又一張茂與涼州刺史同姓名慈銘案此卽異苑所載夢象得吳興之張茂會稽人本書增丁潭傳傳作吳興內史異苑作吳興太守吳興非國當作太守沈充吳興人充於吳興作亂故茂被害本傳言之甚明此作吳內史誤也

帝紀第七

成帝紀 咸和四年二月壬寅劉曜太子毗與其大司馬劉胤帥百官奔

于上邽

頁四上

慈銘案毗劉曜石勒載記俱作熙通鑑亦作熙

咸康六年三月戊戌杜皇后崩

頁八上

慈銘案紀例皆書皇后某氏崩此獨作杜皇后崩蓋誤

帝少而聰敏有成人之量南頓王宗之誅也帝不之知及蘇峻平問庾亮曰常曰白頭公何在亮對以謀反伏誅

頁八下

慈銘案困學紀聞引殷芸小說載此事下云庾后以牙尺打帝頭云兒何以作爾語此紀蓋亦采之小說然庾后崩於峻未死之前唐人亦知其不可通也故刪庾后云云而皇后傳論庾亮傳論俱尙用牙尺之事不忍棄之攷宗先以謀反被誅非因峻黨小說謂黨峻作賊固已紕繆此雖改爲謀反被誅然宗已先死數年何以至峻平後帝方見問且成帝於羨較親羨新以黨峻被誅帝何以不問羨而反問宗羨年長於宗常曰白頭公之言當指羨而非指宗也據八王傳宗先因鍾雅劾奏後又發兵拒捕形迹顯著帝亦不容不知而羨止以諂峻復其爵位遂坐